



16-09-14

Inatsisartut Suleriaasianni § 37 naapertorlugu Naalakkersuisunut imaattunik apeq-quteqarpunga.

Utoqqarmiut Kangerluarsunnguanni nukissiorfiup atuutilernerata kingorna Nuummi innaallagissiorfitoqqamit innaallagissamik tapertaasumik pilersuinissaq pisariaqarsimava?

Utoqqarmiut Kangerluarsunnguanni nukissiorfiup Nuummi ukiuni qulini tulliuuttuni nukissiornermik pisariaqartitsineq matussusersinnaavaa imalluunniit innaallagissiorfitoqqamit tapertaasumik innaallagissamik pilersuinissaq pisariaqassava?

Siusinnerusukkut akissutisiarinikuusanni¹ paasissutissiineq eqqorpa, tassani ilisimatitsissutigineqarmat Utoqqarmiut Kangerluarsunnguanni nukissiorfimmi kaavittut (turbiner) ilanissaat inissaqartinneqanngitsoq? Imaluunniit akissut ima paasineqassava, maanna aaqqissuisimaneq aallaavigalugu inissaqanngitsoq, kisiannili imermik nukissiorsinnaaneq ima annertugisoq kaavittut ilanissaat pisariaqalerfiatigut ajornarani?

Atuisunut ataasiakkaanut atuinermik nammineq malinnaanissamut kaammattuinerup saniatigut, nukissamik atuilluarnissamik ileqqaarnissamillu kaammattuiniarlutik Nukissiorfiit qanoq iliorpat? Nukissamik ileqqaarnermik pilersitsinissaq siunertaralugu – soorlu atuisut annerit akornanni – Nukissiorfiit namminneerlutik saaffiginnittarpat?

(Inatsisartunut ilaasortaq, Naaja H. Nathanielsen)

Tungavilersuut

Siusinnerusukkut ilisimatitsissutigineqarnikuuvoq Utoqqarmiut Kangerluarsunnguanni nukissiorfimmi kaavittut sisammernissaat 1 milliard kr-nik akeqassasoq. Ilutigisaanik takusinnaavarput Nuup inui amerliartortut, taamaalillunilu atuneq annertusiartortoq. Paasinikuuara maanna ukiukkut ullut ilaanni Utoqqarmiut Kangerluarsunnguanni nukissiorfiup pisinnaasaata qaffasinnerpaaffia angusalereersimagipput.

Innuttaasoq nukissamik ataavartumik nukissiuuteqartumik pilersitsisinnaaguni, nukissaq sinneruttoq pisortanut tunisinnaavaa. Tamannali aatsaat atuuppoq innuttaasoq ikummatissanik nukissiuuteqarluni innaallagissiorfiusumi najugaqarpat. Tamatumani isuma tassaavoq innuttaasut ikummatissanik nukissiorfinnik atuinermik apparsaasinnaasut akilerneqassasut,

Siusinnerusukkut Naalakkersuisut qinnuiginikuuakka taamatut periuseqartarnek annertuseqqullugu, tassuunakkut aammattaq innuttaasut erngup nukinganik

¹Dansk:

http://inatsisartut.gl/documents/para3637/2014/svar/109_solcelleanlaeg_najn_svar.pdf

Kalaallisut:

http://inatsisartut.gl/documents/para3637/2014/svar/109_solcelleanlaeg_najn_akissut.pdf

nukissiateqarfinniittut assingusumik periarfissaqaleqqullugit. Ajoraluartumik itigartinneqarpunga. Isumaqaraluarpunga taamaaliornissaq siumut isigaluni alloriarnerussasoq. Nalunngilarput illoqarfiit alliertortut, taamaalillunilu pisortat innaallagissamik pilersuiffii artukkinneqariartaartut. Innuttaasut suliffeqarfiillu namminneq ataavartumik nukissiateqarluni nukissiorfinnik pilersitsinissaannik kaammattornerisigut, immaqa pisortat imermik nukissiorfinnik akisunaarlugu annertusaanissaat imaluunniit ikummatissanik nukissiornermik tapertaqartitsisariaqalernissaat kinguartissinnaagaluarparput pinngitsuissorluguluunniit.

Siumoortumik qinnutigissavara apeqqutit tamarmik ullut suliffiit qulit iluanni akineqassasut.